

QVÆSTIO MEDICA.

QVOD LIBETARIIS DISPUTATIONIBVS

MANE DISCVTIENDA IN SCHOLIS

Medicorum, Die Iouis XIX. Ianuarij,

M. PETRO HOMMETZ,

DOCTORE MEDICO,

PRÆSIDE.

An Quartana & Arthritis Medicorum opprobrium?



APIENS Medicus, sicut ex symptomatis morbos omnes dignoscit, ita ex morbis eorum causas, necessitate quadam naturali feliciter rimatur. Ille exploratâ affectus cuiusque naturâ, vel sedulam, semperque salutarem ægris nauat operam, aut morbi inexpugnabilis vehementiam & difficultatem causatus, si ægrum non deserit, quod vix est Medici, saltem famæ suæ, quod prudentis est, consult sapienter. Morbi diurni semper difficiles, quorum alios humores crassi generant, qui altiori in corpore conclusi, lentæ putredinis cæcis ignibus viscera alterando, labem iis inurant, tempore & opere plurimo vix eluēdam: alios antiquum & indelebile partis aliquius virium fouet, quos omni facit Medicina maiores: neque enim morbos omnes, vel statim vel semper, hæc vincere, aut per sanare nouit. Hinc tristia Quartanæ & Arthritidis nomina, toties, sed immerito Medicorum opprobrio, deplorata: quos affectus tanquam infames artis scopulos, iniquum vulgus obicit, in quibus curandis, vel Medici ~~interdum~~ cecutiant: Sed quàm frustra, aut ægrorum peruicaciam, aut naturæ infirmitatem, in diuinæ artis scandalum reuocat! Sunt illi morbi verè in Medicorum dedecus nati, quorum causas cum nesciant, eos tamen curandos suscipiunt incon-

* iij

13-27
 & fultius, atque adeo tentatâ nequidquam Medicinâ, merita referunt culpæ opprobria.

QUARTANA quia mitiora nonnumquam habet principia, ægris suam in perniciem cunctantibus vires sumit, circuitus multiplicat, & serpente in vasa maiora putredine, in continuam, raram quidem, sed fere inexpugnabilem degenerat. Arthritis quoque male dilata, à mora hoc contrahit, vt intimis defixa articulis, aut curationem vix ferat, aut sæpius acerbior recrudescat: hinc illæ lacrymæ, neque enim vim morbi insuperabili dolore excruciantis, & febris æstum amplius ferre possunt, malorum diuturnitate fracti ægri. Ad circulatorios confugiunt, vt febrem euomant, carpis pediisue pisces, herbas omnis generis alligant: pulueres tartareos ingerunt, secreta quærent, quæ in arte nulla, & deum neglecta natura, expiatoribus quibusdam, qui lustrationibus, incantamentis, & amuletis credulis imponunt, sese misere, & frustra deuouent: Arthritici verò non dissimili studio & pari euentu, nihil intentatum relinquunt, fotis calidis, cataplasmatibus tenuem feri partem exsorbent, quâ vnâ cum innato articulis mucosâ absumptâ, detortis tandem, & in tophum induratis digitis, eò res redit, vt accersitam proprio errore infirmitatem, immerentibus Medicis impudent, quos si audiuiſſent, dum adhuc tractabilis morbus medicas manus non respuebat, præsentem pro conuictis Medicinæ opem faterentur.

QUARTANÆ & Arthritidis causas omnes Medicus nouit. Huius antecedens causa, nobilioris partis intemperies vnâ cum articulorum imbecillitate. Coniuncta non continens, quæ his in morbis nulla, humor omnis, qui in articulos decumbens, eorum spatia primum occupat, mox tendines, vincula, membranas, neruos, quos licet non conuellat, acerrimis tamen doloribus torquet. Eius differentia, à loco & materia petendæ sunt: Quartana verò in omni humore melancholico posito fomite, inde alterna mouet incendia, quæ cum difficillimè extinguat, propter contumacissimæ materiæ fermentique reliquias, iterum mutuas habent, morbus & sanitas vices. Hos porro morbos non efficit vnum caput aut lien. Altioris originem habet pertinax vtrumque malum, & ab ipso iecore potissimum accersendam: quod viscus sanguinis *πυρρογόγυ* vnicus auctor, dum æger intemperantiæ cedit

illecebris, pro meliori sanguine serosam & acrem reponit eluuiem, quæ cum articulos subiit, naturâ, aut furtim ac blandâ veneris fraude imbecilliores factos, Arthritidem ex mutuo Bacchi Venerisque connexu suscipit, cuius vtriusque fecunda cum sit soboles, rursus sit & parens: homines enim intemperantes facit, & quod mirum forsan tibi erit, longæuos. Sin hepar, labefactata sua temperie malâque diata, feculentum & exustum sanguinem generet, conceptâ putredine quartana accenditur: cum præsertim nobilissima hæc pars, propter ætatis consenscentis frigiditatem declinat. Licet quippe nulli fere ætati, sexui, temperiei, tempestati, regioni, parcant: omnium tamen maxime consistentem ætatem, virilem sexum, frigidiorē temperiem, vernam vel autumnalem tempestatem, Alexandriam vel Germaniam moleste habent Quartana & Arthritis.

Nihil magis est in Quartanæ periodis, aut tempestiuis Arthriticorum doloribus, quod Medicos lateat, quàm in aliis. Plenissimi periculi morbi non raro vi caloris natiui in securiores mutantur. Epilepsiæ, continuæ feбри, ac erraticis, vt sepe Quartana, sic & Arthritis, colicis, dysentericis, nephriticis affectibus feliciter sufficitur. Quidni & aliis? hinc si non primario, quod vix potest & non suaserim, saltem vbi moras nectit, nec, qua tempestate solet exacerbatur, excitanda. Horum porro morborum curam cum suscipis, consulendus is est naturæ focus, seu vestalis hæc flamma, item & horum vires attendendæ, ex quibus totâ remediorum est dispensanda ratio, quæ nunquam Arthritidi, vbi curanda venit, defuerunt: nam herbas habet suas, olea, succos, lacrymas, ferrum, ignem: sed vno verbo, eius curandæ scopus duplex, euacuatio & articulorum confirmatio. Vtrumque variis modis ex natura partis obfessæ, materiæ morbificæ, & occasione immutandis absoluimus: sic in Quartana non iisdem perpetuo auxiliis, imò nec rarò diuersis dimicandum, aut fallendum est: in iis tamen ante omnia tanquam deabus implacabilibus sanguine non semel litare, & blandiori, sed sæpius repetito cathartico, etiam inclinantibus nondumque solutis febris paroxysmis, libare tutum est.

MORBOS insanabiles sola efficeret naturæ deficientis imbecillitas, nisi ægri suam in vitam ipsi conspirarent: quot enim sunt, qui inclinatio iam morbo, intempestiuo esu, vel omiſſa pur-

gatione & phlebotomia, in malum reuoluuntur? eadem intemperantia, quæ Quartanam genuit, sæpe fouet & alit. Sic se res habet, aut ægri nolunt, aut natura non patitur, aut hi morbi conueniente diata, sedulâque præcautione ac ^{remediis} profligantur. Ad hæc quid vulgus? Quartana quædam insanabilis, quædam & Arthriti, esto. Sic quouis in morborum genere quidam trucidant: non, timet æger ætertiana, superiore tamen anno duos aut tres sustulit, phthisis inueterata est ^{ad ianæ}, lithiasis, si grandiori calculo renes occupet, nullo remedio soluitur, phthoræ in propria viscerum substantia non curatur. An ideo hæc sunt Medicorum opprobria? Non dixeris. Ecce confossus homo est, & conceptam in præcordiis mortem gerit, sapiensne artifex ad illius vulnus manus illidat? Non faciet. Non adeo magis nodosæ Chiragræ, aut in senectute, aut intemperatis Arthritidis curam spondeat: tunc enim nec profuerit dira stupendæ Antiphilonis ^{regniæ}, quæ alioquin omnino non spernenda foret: aut Quartanam verè Saturni filiam, obfirmata putredine, fatifcentibus visceribus breui, aut perfectè depulsurum polliceatur: nam fuit illa semper Medicinæ præcipua laus, vt tam prudenter desperatos sponte deponat, quàm sapienter curabiles morbos aggrediatur.

Non ergo Quartana & Arthritis Medicorum opprobrium.

Proponebat Lutetiæ TVSSANVS FONTAINE,
Parisinus, A. R. S. H. M. DC. XL.

DOMINI DOCTORES DISPVTVRI.

M. Robertus Debonnaire.	M. Leo le Tourneurs.	M. Guillelmus de Vailly.
M. Mart. Aitia Pr. R.	M. Nicolaus Cappon.	M. Claudius Gernais.
M. Durandus Franc. Ton.	M. Nicolaus Richard.	M. Franc. Guenaut, Sch. Pr.

PARISIIS,

Prostant Exemplaria apud NICOLAVM BOISSET, Typographum,
in Platea Malbertina, ad insigne D. Stephani, 1650.

*cette thèse est la 876^e du tome VI
du recueil de thèses in folio. —*